

中华古典文学丛书



焦氏易林(一)

责任编辑：陈国勇

(67)



广州出版社

中华古典文学丛书

焦氏易林

(一)

(67)

7280571
图书在版编目(CIP)数据

中华古典文学/丛书. 陈国勇 主编. 广州出版社. 2003. 2

ISBN 7-5363-3732-9/Z·419

I. 中华... II. 古... III. 文学

中国版本图书馆 CIP 数据核字(2003)第 082275 号

中华古典文学丛书

主 编:陈国勇

广州出版社

广州凯旋印刷厂

开本:787×1092 1/32 印张:416.5

版次:2003 年 2 月第 1 版第 1 次印刷

印数:1-3000 套

书号 ISBN 7-5363-3732-9/Z·419

定价:(全套 98 本)868.80 元

目 录

乾卦第一	(1)
坤卦第二	(4)
屯卦第三	(7)
蒙卦第四	(10)
需卦第五	(14)
讼卦第六	(17)
师卦第七	(20)
比卦第八	(24)
小畜卦第九	(27)
履卦第十	(31)
泰卦第十一	(34)
否卦第十二	(37)
同人卦第十三	(40)
大有卦第十四	(44)
谦卦第十五	(47)
豫卦第十六	(50)
随卦第十七	(53)
蛊卦第十八	(56)

临卦第十九	(60)
观卦第二十	(63)
噬嗑第二十一	(66)
贲卦第二十二	(69)
剥卦第二十三	(73)
复卦第二十四	(76)
无妄卦第二十五	(80)
大畜卦第二十六	(84)
颐卦第二十七	(88)
大过卦第二十八	(91)
坎卦第二十九	(95)
离卦第三十	(99)
咸卦第三十一	(102)
恒卦第三十二	(106)
遁卦第三十三	(109)
大壮卦第三十四	(113)
晋卦第三十五	(116)
明夷卦第三十六	(120)
家人卦第三十七	(123)
睽卦第三十八	(127)
蹇卦第三十九	(130)
解卦第四十	(133)
损卦第四十一	(137)
益卦第四十二	(140)

萃卦第四十五	(150)
升卦第四十六	(153)
困卦第四十七	(156)
井卦第四十八	(159)
革卦第四十九	(162)
鼎卦第五十	(166)
震卦第五十一	(169)
艮卦第五十二	(172)
渐卦第五十三	(176)
归妹卦第五十四	(179)
丰卦第五十五	(183)
旅卦第五十六	(186)
巽卦第五十七	(190)
兑卦第五十八	(193)
涣卦第五十九	(197)
节卦第六十	(200)
中孚卦第六十一	(203)
小过卦第六十二	(207)
既济卦第六十三	(210)
未济卦第六十四	(214)

乾卦第一

乾 静卦 道陟石阪，胡言连蹇，译瘖且聋，莫使道通，请谒不行，求事无功。

变坤 招殃来螫，害我邦国；病在手足，不得安息。

变屯 阳孤亢极，多所恨惑，车倾盖亡，身常忧惶；乃得其愿，雌雄相从。

变蒙 鹄鹄鸛鸛，专一无尤。君子是则，长受嘉福。

变需 目眊足动，喜其如愿，举家蒙宠。

变讼 罢马上山，绝无水泉。喉焦唇干，舌不能言。

变师 仓盈庚亿，宜稼黍稷。国家富有，人民蕃息。

变比 中夜狗吠，盗在墙外。神明佑助，消散皆去。

变小畜 据斗运枢，顺天无忧。所行造德，与乐并居。

变履 空拳握手，倒地更起。富饶丰衍，快乐无已。

变泰 不风不雨，白日皎皎。宜出驱驰，通理大道。

变否 载日晶光，骖驾六龙。禄命彻天，封为燕王。

变同人 子号索哺，母行求食。反见空巢，訾我长息。

变大有 上帝之生，福佑日成。修德行惠，安乐且宁。

变谦 山险难登，涧中多石，车驰辍击，载重伤轴。僭负善蹶，趺踣右足。

变豫 禹凿龙门，通利水源。东注沧海，民得安存。

变随 乘龙上天，两蛇为辅，踊跃云中，游观沧海，安乐长处。

变蛊 彭祖九子，据德不殆。南山松柏，长受嘉福。

变临 南山昊天，刺政闵身。疾悲无辜，背憎为仇。

变噬嗑 坚冰黄鸟，啼哀悲愁，不见甘粒，但观藜蒿，数惊鸷鸟，为我心忧。

变贲 室如悬磬，既危且殆，早见之士，依山谷处。

变剥 大禹戒路，蚩尤除道。周匝万里，不危不殆，见其所使，无所不在。

变复 三人为旅，俱归北海，入门上堂，拜见王母，劳赐我酒。

变无妄 传言相误，非干径路，鸣鼓逐狐，不知迹处。

变大畜 三羊争雌，相逐奔驰，终日不食，精气劳疲。

变颐 纯服黄裳，戴上与兴。德义既兴，天下归仁。

变大过 桀跖并处，人民愁苦。拥兵荷粮，战于齐鲁。

变坎 黄鸟来集，既嫁不答。念我父兄。思复邦国。

变离 胎生孕乳，长息成就。充满帝室。家国昌富。

变咸 三人求橘，反得丹穴。女贵以富，黄金百镒。

变恒 东山西岳，会合俱食，百家送从，以成恩福。

变遁 弱鸡无距，与鹄交斗，翅折目盲，为鹄所伤。

变大壮 隙大墙坏，蠹众木析。狼虎为政，天降罪罚。高弑望夷，胡亥以毙。

变晋 三痴俱走。迷路失道，惑不知归，反入患口。

变明夷 弓矢俱张，把弹折弦，丸发不至，道遇害患。

变家人 三女求夫，伺候山隅，不见夫关，长思叹忧。

变睽 阳旱炎炎，伤害禾谷，穡人无食，耕夫叹息。

变蹇 骑 逐羊，不见所望，径涉虎穴，亡羊失羔。

变解 暗昧冥语，相传诖误。鬼魅所舍，谁知卧处。

变损 姬姜祥淑，二人偶食，论仁议福，以安王室。

变益 公孙驾骊，载聘东齐。延陵说产，遗季 衣。

变夬 孤竹之墟，失妇亡夫。伤于蒺藜，不见少妻。东郭棠姜，武氏以亡。

变姤 仁政不暴，凤凰 来舍。四时顺节。民安其处。

变萃 任劣力薄，孱弩恐怯，如猬见鹊，不敢拒格。

变升 卫侯东游，惑于少姬。忘我考妣，久迷不来。

变困 噂噂所言，莫知我垣，欢喜坚固，可以长安。

变井 鼃鸣岐山，龟应幽渊。男女媾精，万物化生。文王以成。为周开庭。

变革 元黄虺隤，行老劳疲。役夫憔悴，逾时不归。

变鼎 弱足刖跟，不利出门。市贾不利，析亡为患。

变震 县糒素餐，居非其安。失舆剥庐，休坐独居。

变艮 民怯城恶，奸人所伏。寇贼大至，入我郭郭，妻子俘获。

变渐 阳低头，阴仰首。水为灾。伤我足。进不利，难生子。

变归妹 背北相憎，心意不同，如火与金。

变丰 太微帝室，黄帝所值。藩屏周卫，不可得入，常安无患。

变旅 蚩栗牺牲，敬享鬼神。神嗜饮食，受福多孙。

变巽 出门逢患，与福为怨。更相击刺，伤我手端。

变兑 鹳飞中退，举事不进，众人乱溃。

变换 跛踦相随，日暮牛疲。陵迟后旅，失利亡雌。

变节 龙角博颡，位至公卿。世禄久长，起动安宁。

变中孚 舜升大禹，石夷之野。征诣王庭，拜理水土。

变小过 从风放火，获芝俱死。三害集房，叔子中伤。

变既济 梗生荆山，命制输班。袍衣剥脱，夏热冬寒。饥饿枯槁，众人莫怜。

变未济 长面大鼻，来解己忧。遗吾福子，与我惠妻，惠吾嘉喜。

坤卦第二

坤 静卦 不风不雨，白日皎皎。宜出驱驰，通利大道。

变乾 谷风布气，万物出生。萌庶长养，华叶茂盛。

变屯 苍龙单独，与石相触。摧折两角，室家不足。

变蒙 城上有乌，自名破家。招呼酖毒，为国患灾。

变需 霜降闭户，蛰虫隐处。不见日月，与死为伍。

变讼 天之德室，温仁受福。衣裳所在，凶恶不起。

变师 皇陛九重，绝不可登。未见王公，谓天盖高。

变比 孔德如玉，出于幽谷。升高鼓翼，辉光照国。

变小畜 五轭四轨，复得饶有。陈力就列，迺虞悦喜。

变履 四足无角，君子所服。南征述职，以惠我国。

变泰 雷行相逐，无有攸息。战于平陆，为夷所覆。

变否 六龙争极，服在下饰。谨慎管钥，结禁母出。

变同人 长男少女，柏向共语，福禄欢喜。

变大有 奸延恶人，使德不通。灾火为殃，禾谷大伤。

变谦 修其翰翼，随 风向北，至虞夏国，与舜相得。年岁大乐，邑无盗贼。

变豫 铅刀攻玉，坚不可得。尽我筋力，胝茧为疾。

变随 举袂覆目，不见日月。衣衾簠簋，就长夜室。

变蛊 贼仁伤德，天怒不福。斩刈宗社，失其邦域。

变临 白龙赤虎，战斗俱怒。蚩尤败走，死于鱼口。

变观 北辰紫宫，衣冠立中。含和建德，常受天福。

变噬嗑 稷为尧使，西见王母，拜请百福，赐我善子。

变贲 三人异趣，反覆迷惑。一身五心，乱无所得。

变剥 南山大攫，盗我媚妾。怯不敢逐，退而独宿。

变复 众鬼所趋，反作光怪。心身无头，魂惊魄去。不可以居。

变无妄 延颈远望，眯为目疾。不见叔姬，使伯心忧。

变大畜 典册法书，藏在兰台。虽遭乱溃，独不遇灾。

变颐 自卫反鲁，时不我与。冰炭异室，仁道隔塞。

变大过 瘤瘕秃疥，为身疮害。疾病癰残，常不远速。

变坎 东齐郭卢，嫁于洛都。俊良美好，媒利过倍。

变离 齐鲁争言，战于龙门。构怨结祸，三世不安。

变咸 膏泽肥壤，农人丰敞。利居长安，历世无患。

变恒 仓盈庚亿，宜种黍稷。年丰岁熟。民得安息。

变遁 鸱鸢破斧，邦人危殆。赖其忠德，转祸为福，倾危复

立。

变大壮 岁饥无年，虐政害民。乾溪骊山，秦楚结冤。

变晋 桀洁累累，缔结难解。嫫母衔嫁，媒不得坐，自为身祸。

变明夷 瞽瞍开门，鹤鸣弹冠。章甫进用，舞韶和鸾。三人翼事。国无灾患。

变家人 弟妹合居，与类相扶。愿慕群丑，不离其处。

变睽 邯郸反言，兄弟生患，涉叔忧恨，卒死不还。

变蹇 三人逐兔，各争有得，爱亡善走，多获鹿子。

变解 北辰紫宫。衣冠立中。含和建德，常受天福。

变损 拜跪请免，不得其哺。俯首衔枚，低头北走。

变益 鹤盗我珠，逃于东隅，求之郭墟，不见所居。

变夬 一簧两舌，妄言谬语。三奸成虎，曾母投杼。

变姤 独独特处，莫与为旅。身日劳苦，使布五谷，阴阳顺序。

变萃 褰衣涉河，涧流浚多。赖于舟子，济脱无他。

变升 帛河登山，道路阴难，求事少便。

变困 兔置之容，不失其恭。和谦致乐，君子攸同。

变井 三女求夫，伺候山隅。不见复关，泣涕涟涟。

变革 螟虫为贼，害我五谷。中露空虚，家无所食。

变鼎 望尚阿衡，太宰周公。藩屏辅弼，福禄来同。

变震 三牛生狗，以戌为母。荆夷上侵，姬伯出走。

变艮 途遏道塞，求事不得。

变渐 探怀得蚤，所愿失道，无有凶忧，善居渐好。

变归妹 飞楼属道，趾多扰垣，居之不安，覆厌为患。

变丰 义不胜情，以欲自倾。几危利宠，折角摧颈。

变旅 潼翁蔚荟，扶首来会。津液来降，流淹滂霈。

变巽 白驹生刍，猗猗盛姝。赫喧君子，乐以忘忧。

变兑 车驰人趋，卷甲相仇。齐鲁寇战，败于大邱。

变涣 举首望城，不见子贞，使我悔生。

变节 龙斗时门，失理伤贤。内畔外贼，则生祸难。

变中孚 安如泰山，福喜屡臻。虽有豺虎，不致危身。

变小过 初忧后喜，与福为市。八佾列陈，饮御嘉友。

变既济 持刀操肉，对酒不食。夫行从军，小子入狱，抱膝独宿。

变未济 阴衰老极，阳建其德。履离载光，天下昭明。功业不长，虾蟆代王。

屯卦第三

屯 静卦 兵征大宛，北出玉关。与胡寇战，平城道西，七日绝粮，身几不全。

变乾 汛汛柏舟，流行不休。耿耿寤寐。心怀大忧。仁不逢时，复隐穷居。

变坤 采薪得麟，大命陨颠。豪雄争名，天下四分。

变蒙 山崩谷绝，天福尽竭。泾渭失纪，玉历尽已。

变需 夏台羑里，汤文所厄。鬼侯输贿，商王解舍。

变讼 泥津污辱，弃捐沟渎。所共笑哭，终不显禄。

变师 李梅冬实，国多盗贼。扰乱并作，君不平息。

变比 獐鹿逐牧，饱归其居。反还次舍，无有疾故。

小畜 夹河为婚，期至无船。摇心失望，不见所欢。

变履 百足俱行，相辅为强。三圣翼事，王室宠光。

变泰 坐立失处，不能自居。贼破王邑，阴阳颠倒。

变否 登几上舆，驾驷南游。合纵散横，燕齐以强。

变同人 三孙维弩，无益于辅。城弱不守，邦君受讨。

变大有 河伯大呼，津不得渡。船空无人，往来亦难。

变谦 甘露醴泉，太平机关。仁德感应，岁乐民安。

变豫 重茵厚席，循皋豆藿。虽蹶不惧，反复其宅。

变随 太乙驾騶，从天上来。征我叔季，封为鲁侯。

变蛊 南巴六安，石斛戟天。所指不已，耄老复丁。敝室旧墟，更为新家。

变临 家给人足，颂声并作。四夷宾服，干戈韬阁。

变观 东邻嫁女，为王妃后。庄公筑馆，以尊王母。归于京师，季姜悦喜。

变噬嗑 陈妻敬仲，兆兴齐姜。营邱是适，八世大昌。

变贲 路多枳棘，步刺我足。不利旅客，为心作毒。

变剥 天官列宿，五神共舍。宫阙光坚，君安其居。

变复 牧羊稻园，闻虎呻喧。惧畏惕息，终无祸患。

变无妄 鸣条之图，北奔犬胡。左衽为长。国号匈奴。王君旄头，立尊单于。

变大畜 克身洁已，逢禹巡狩。锡我无圭，拜受福佑。

变颐 冬华不实，国多盗贼。疾病难医，鬼哭其室。

变大过 襄送季女，至于荡道。齐子旦夕，留连久处。

变坎 朽根倒树，花叶落去。卒逢火焱，随风偃仆。

变离 阴变为阳，女化作男。治道得通，君臣相承。

变咸 炎绝续光，火来复明，简易理得，以成乾功。

变恒 多载重负，捐弃于野。予母谁子，但自劳苦。

变遁 江河海泽，众利安宅。可以富有，饮御嘉客。

变大壮 冬采薇兰，地冻坚坼。利走室北，暮无所得。

变晋 乌鸣嘻嘻，天火将起。燔我室屋，灾及姬后。

变明夷 蛰室蜂户，螫我手足。不可进取，为身害速。

变家人 崔嵬北岳，天神贵客。温仁正值，主布恩德，开示不已，蒙受大福。

变睽 伯蹇叔盲，莫与守庆。失我衣裘，伐民除乡。

变蹇 为季求婚，家在东海，水长无船，不见所欢。

变解 山陵邱墓，魂魂失舍。精神尽竭，长寝不觉。

变损 踰牛失角，下山伤轴。失其利禄。

变益 水载船舟，无根以浮。往来溶溶，心劳且忧。

变夬 有鸟来飞，集于古树。鸣声可恶，主将出去。

变姤 东徙不时，触患离忧。井泥无濡，思叔旧居。

变萃 黄帝所生，伏羲之字。兵刃不至，利以居止。

变升 东山救乱，处妇思夫。劳我君子，役无休止。

变困 跛蹶后起，先利后市，不得鹿子。

变井 大蛇当路，使季畏惧。汤火之灾，切近我肤。赖其天幸，趋于王庐。

变革 从容长闲，游戏南山。拜祠祷神，神使无患。

变鼎 区脱康居，慕义入朝。湛露之欢，三爵毕恩。复归

野庐，与母相扶。

变震 龟鳖列市，河海饶有。长钱善贾，商李悦喜。

变艮 年家蒙庆，今岁受福。三夫采葩，出必有得。

变渐 二人俱东，道路争讼。意乖不同，使君恼恼。

变归妹 树我藿豆，鹿兔为食，君不恤护，秋无收入。

变丰 黄鸟悲鸣，愁不见星。困于鸛鸟，使我心惊。

变旅 双凫俱飞，欲归稻食。经涉萑泽，为矢所射，伤我胸臆。

变巽 久客无依，思归我乡。雷雨盛溢，道未得通。

变兑 道路僻除，南至东辽。卫子善辞，使国无忧。

变涣 同枕同袍，中年分去。价少无利，独居愁思。

变节 众神集聚，相与议语，南国虐乱，百姓愁苦。兴师征讨，更立贤主。

变中孚 北陆闭蛰，隐伏不出。目盲耳聋，道路不通。

变小过 痴狂妄作，心诳善惑。迷行失路，不知南北。

变既济 栋隆辅强，宠贵日光。福善并作，乐以高明。

变未济 爱我婴女，牵衣不与。冀幸高贵，反曰贱下。

蒙卦第四

蒙 静卦 何草不黄，至未尽元，室家分离，悲愁于心。

变乾 海为水王，聪圣且明。百流归德无有叛逆，常饶优足。

变坤 天之所有，祸不过家，左辅右弼，金玉满堂，常盈不

亡，富如敖仓。

变屯 安息康居，异国穹庐。非吾习俗，使我心忧。

变需 范公鸱夷，善贾饰资。东之营邱，易字子皮，把珠载金，多得利归。

变讼 老杨日衰，条多枯枝。爵级不进，日下摧隤。

变师 小狐渡水，污濡其尾。利得无几，与道合契。

变比 豕生鱼鲂，鼠舞庭堂。奸佞施毒，上下昏荒，君失其邦。

小畜 天地配享，六位光明。阴阳顺序，以成和平。

变履 蹢躅足伤，右指病痈。失旅后时，利走不来。

变泰 异体殊患，各有所属。西邻孤嫗，欲寄我室。王母骂詈，求不可得。

变否 操稻乡亩，祈贷稷黍。饮食充中，安利无咎。

变同人 所受大喜，福禄重来。乐且日富，蒙庆得财。

变大有 举杯饮酒，无益温寒，指直失取，亡利不欢。

变谦 日月相望，光明盛昌。三圣茂功，仁德大隆。

变豫 猾夫争强，民去其乡。公孙叔子，战于潇湘。

变随 猿堕高木，不蹊手足，还归其室，保我金玉。

变蛊 逐狐东山，水遏我前。深不可涉，失利后便。

变临 凿井求玉，非卞氏宝。名困身辱，劳无所得。

变观 黄玉温厚，君子所服。甘露溽暑，万物生茂。

变噬嗑 画龙头颈，文章不成。甘言善语，游说之辞道无名。

变贲 招祸致凶，来弊我邦。病在手足，不得安息。